



今名醫類案

卷第八

怔冲	邪崇	癩	痛風	膿瘡	脫肛	游血	血症
	顛狂心疾	鬼注	痿	前陰病	腎臟風癆	痒 <small>肺腸風</small>	下血

特別
 49
 517
 8





名醫類案卷之八

明新都篁南江確集

長子應元校正

次子應宿述補

血症

張泉在汝州因出驗尸有保正趙溫不諳尸所問之即云
衄血已數斗昏困欲絕張使人扶掖至鼻血如簷滴張
謂治血莫如生地黄遣人覓之得十餘斤不暇取汁因
使生服漸及三四片又以其滓塞鼻須臾血定又癸未
娣病吐血有醫者教用生地黄自然汁煮服日服數升
三日而愈有一婢半年不月見釜中餘汁輒飲數盃尋

即通利其效如此

東垣治一貧者脾胃虛弱氣促精神短少衄血吐血以麥
門冬二分人參歸身三分黃芪白芍甘草各一錢五味
五枚作一服水煎稍熱服愈繼而至冬夫寒居密室卧
太熱炕而吐血數次再求治此久虛弱附臍有形而有
火熱在內上氣不足陽氣外虛當補表之陽氣瀉裏之
虛熱天冬寒衣薄是重虛其陽表有大寒壅遏裏熱火
邪不得舒暢故血出於口憶仲景傷寒有云太陽傷寒
當以麻黃湯發汗而不與之遂成衄却與麻黃湯立愈
此法相同遂用之以麻黃桂枝湯人參益上焦元氣而
實其表麥門冬保肺氣各三分桂枝以補表虛當歸身

和血養血各五分麻黃去根節去外寒甘草補脾胃之
虛黃芪實表益衛白芍藥各一兩五味五枚安其肺氣
熱服卧時一服而愈

丹溪治一婦貧而性急忽衄作如注倦甚脉浮數重取大
且扪此陽滯於陰病雖重可治急以萱草根入薑汁各
半飲之就以四物湯加香附側柏葉四服覺渴仍飲以
四物十餘貼而安

一壯年患嗽而咯血發熱肌瘦醫用補藥數年而病甚脉
瀦此因好色而多恚精神耗少又補塞藥多榮衛不行
瘀血內積肺氣壅遏不能下降治肺壅非吐不可精血
耗非補不可唯倒倉法二者兼備但使吐多於瀉耳兼

灸肺俞二穴在三椎骨下橫過各一寸半

一人咳嗽吐血四物加貝母瓜蒌五味桑白皮杏仁款冬花柿霜

一人年五十勞嗽吐血以人參白朮茯苓百合白芍藥紅花細辛黃芪半夏桑白皮杏仁甘草阿膠訶子青黛瓜蒌海石五味天門冬

一人近四十咳嗽吐血四物換生地加桑白皮杏仁款冬花五味天門冬桔梗知母貝母黃芩

一人不效吐而血見口中從齒縫舌下來者藥用滋腎水瀉相火治之不旬日而愈後二人證同俱以此法治之

効

一人因憂病效吐血面黎黑色藥之不効曰必得喜可解

其兄求一足衣食地處之於是大喜即時色退不藥而瘳經曰治病必求其本又曰無失氣宜是知藥之治病必得其病之氣宜苟不察其得病之情雖藥亦不愈也

滑伯仁治一婦體肥而氣盛自以無子嘗多服煖宮藥積久火盛迫血上行為衄衄必數升餘面赤脉躁疾神恍恍如癡醫者猶以上盛下虛丹劑鎮墜之伯仁曰經云上者下之令血氣俱盛溢而上行法當下導奈何實實耶即與桃仁承氣湯三四下積瘀既去繼服既濟湯二十劑而愈

一人病嘔血或滿杯或盈盆蓋且二三年其人平昔嗜甘市

利不憚作勞中氣因之侵損伯仁視之且先與八寶散
一二日服黃芩芍藥湯少有動作即進犀角地黃湯加
桃仁大黃湯稍間服抑氣寧神散有痰用礞石丸其始
脈芤大後脈漸平三月而愈屢効

一人乘盛暑往途中吐血數口亟還則吐甚曾拒痛體熱
頭眩病且殆或以爲勞心焦思所致與茯苓補心湯仁
至診其脈洪而滑曰是大醉飽胃血壅遏爲暑迫血上
行先與犀角地黃湯繼以桃仁承氣湯去瘀血宿積後
治暑即安

一人病咳血痰診其脈數而散體寒熱仁曰此二陽病也
在法不治當以夏月死果然

子和治一書生過勞大便結燥效逆上氣時喝喝然有音
吐嘔鮮血以苦劑解毒湯加木香漢防己煎服時時啜
之復以木香檳榔丸泄其逆氣月餘而痊

呂滄洲治一人病衄決旬不止時天暑脈弱衆醫以氣虛
不統血日進芫歸茸附滋甚求治呂至未食頃其所衄
血已三覆器矣及切其脈兩手皆虛芤右上部滑數而
浮躁其鼻赤查而色白即告之曰此得之酒酒酒毒暴
悍而風暑乘之熱蓄於上焦故血妄行而淖溢彼曰某
嘗飢走赤日已而醉酒向風卧公所診誠是爲製地黃
汁三升許兼用防風湯飲之即効

項彥章治一婦患衄三年許醫以血得熱則淖溢服瀉心

涼血之劑益困衄纒數滴輒昏六脉微弱寸為甚曰肝
藏血而心主之今寸口脉微知心虛也心虛則不能司
其血故逆而妄行法當養心補脾實其子子實則心不
虛也以琥珀諸補心藥遂安

許先生論梁寬父病右脇肺部也欬而吐血舉動喘逆者
肺脹也發熱脉數不能食者火來刑金肺與脾俱虛也
脾肺俱虛而火乘之其病為逆如此者例不可補瀉若
補金則慮金與火持而喘咳益增瀉火則慮火不退位
而痿痺反甚正宜補中益氣湯先扶元氣少以治病藥
加之聞已用藥未効必病勢若逆而藥力未到也遠期
秋涼度可復爾蓋肺病惡春夏火氣至秋冬火退只宜

於益氣湯中隨四時升降寒熱及見有證增損服之或
覺氣壅間與加減枳朮丸或有飲間服局方枳朮湯數
月逆氣少回逆氣回則可施治法但恐今日已至色青
色赤及脉弦脉洪則無及矣病後不見色脉不能懸料
以既愈復發言之惟宜依准四時用藥以扶元氣庶他
日既愈不復發也其病初感必深恐當時消導尚未盡
停滯延淹變生他證以至於今宜少加消導藥於益氣
湯中庶可漸取効也

一人膏梁而飲至今病衄醫曰諸見血者為熱以清涼飲
子投之即止越數日其疾復作醫又曰藥不勝病故也
遂投黃連解毒湯或止或作易數醫皆用苦寒之劑俱

欲勝其熱而已飲食起居浸不及初肌寒而時燥言語
無聲口氣臭穢惡如冷風其衄之餘波則未絕也或曰
諸見血者熱衄熱也熱而寒之理也今不愈而反害之
何耶內經曰以平為期又言下工不可不慎也彼惟知
見血為熱而以苦寒攻之抑不知苦瀉土土脾胃也脾
胃人之所以為本者今火為病而瀉其土火未嘗除而
土已病矣土病則胃虛虛則榮氣不能滋榮百脉元氣
不循天度氣隨陰化而無聲肌寒也噫粗工嘻嘻以為
可治熱病未已寒病復起此之謂也

吳球治一少年患吐血來如湧泉諸藥不効虛羸瘦削病
危亟脉之沈絃細濡其脉為順血積而又來寒而又積

疑血不歸源故也嘗聞血導血歸未試也遂用病者吐
出之血瓦器盛之俟凝入銅鍋炒血黑色以紙盛放地
上出火毒細研為末每服五分麥門冬湯下進二三服
其血遂止後頗服茯苓補心湯數十貼以杜將來保養
半年復舊

徐德占治一人患衄尤急灸項後髮際兩筋間宛宛中三
壯立止蓋血自此入腦注鼻中常人以線勒頸後尚可
止衄此灸宜効

秀州進士陸迎忽得疾吐血不止氣蹙驚顛狂躁跳躍雙
目直視至深夜欲拔戶而出如是兩夕諸醫盡用古方
及單方極療不瘳舉家哀禱事觀音夢授一方但服一

料當求除根用益智一两生硃砂二錢青皮半兩射香
一錢爲細末燈心湯下陸覺取筆記之服之乃愈
一人勞瘵吐血取茜草一斤淨洗碎爲末入生蜜一斤和
成膏以陶器盛之不得犯鐵器日一蒸一曝至九日乃
止名曰神傳膏冷病人五更起面東坐不得語言用匙
抄藥如食粥每服四匙良久呷稀粟米粥壓之藥只冷
服粟米飲亦不可太熱或吐或下皆無害凡久病肺損
咯血吐血一服立愈

剪草狀如茜草又如細莘發台二州有之惟發可用
饒州市民季七常苦鼻衄垂困醫授以方取蘿蔔自然汁
和無灰酒飲之則止醫云血隨氣運轉氣有滯逆所以

妄行蘿蔔最下氣而酒導之是以一服効經五日復如
前僅存喘息而張思順以明州刊王氏單方刮入中白
置新瓦上火逼乾以溫湯調下卽止今十年不作張監
潤之江口鎮適延陵鎮官曾棠入府府委至務同視海
船曾著白茸毛背子盛服濟潔正對談之次血忽出如
頰變所服爲紅色駭曰素有此疾不過點滴耳今猛來
可畏覺頭空空然張曰君勿憂我當漸製一藥移時而
就持與之血止不復作入中白者旋盆內積礫垢是也
蓋秋石之類特不多用火力治藥時勿令患人知恐其
以爲汚穢不肯服此方可謂奇矣

魏華他善醫嘗有郡守病甚他過之郡守令佗診候佗退

謂其子曰使君病有異於常積瘀血在腹中當極怒嘔
血即能去疾不爾無生矣子能盡言家君平昔之懋吾
疏而責之其子曰若獲愈何謂不言於是具以父從來
所布誤者盡示他他留書責罵之父大怒發吏捕他他
不至即嘔血升餘其疾乃平獨異志

蔡子渥傳云同官無錫監酒趙無疵其兄衄血甚已死入
殮血尚未止一道人過之聞其家哭詢之道云是曾服
丹或燒煉藥予藥之當即活探囊出藥半錢匕吹入鼻
中立止得活乃梔子燒存性末之

一人鼻衄大出欲絕取茅花一大把水兩碗煎濃汁一碗
分二次服立止良方

一人指縫中因搔痒遂成瘡有一小竅血濺出不止用止
血藥及血竭之類亦不效數日遂死復有一人於耳後
髮際搔痒亦有小竅出血與前相似人無識者適有道
人云此名髮泉但用多年糞桶箍晒乾燒灰付之立愈
使前指縫血出遇之亦可以無死矣

邵村張教官患衄血多諸治不效首垂任流三晝夜不止
危甚一道人教用生藕一枝搗貼顛顛更以海巴燒存
性為末鵝管吹入鼻內二三次即止每巴俗名壓驚螺
即雲南所用也
一人毛竅節次出血少間不出即皮脹如鼓口鼻眼目俱
脹合各日脉溢以生薑汁供水各一二盞服之愈
人有灸火至五壯血出一縷急如溺手冷欲絕以酒炒黃

芩一二錢酒下則止

一婦人三陰交無故出血如射將絕以手按其竅縛以布條昏仆不知人事以人參一兩煎灌之愈

陳斗岩治薛上舍高沙人素無恙驟吐血半缶陳診之曰脉弦急此薄厥也病得之大怒氣逆陰陽奔併群醫不

然檢素問通夫論篇示之乃服飲六鬱而愈有患衄出血無已醫以為熱沈宗常投以參附或驚阻之沈曰脉小而少衰非補之不可遂愈

有佐酒女子無苦也王敏視其色頰而青曰此火亢金也不可以夏果嘔血死

薛已治一童子年十四發熱吐血薛謂宜補中益氣以滋

化源不信用寒涼降火愈甚始謂薛曰童子未室何腎虛之有參芪補氣奚為用之薛曰丹溪云腎主閉藏肝主疎泄二藏俱有相火而其系上屬于心心為君火為物所感則易動心心動則相火翕然而隨雖不交會其精暗耗矣又精血篇云男子精未滿而御女以通其精則五藏有不滿之憂異日有難狀之疾遂用補中益氣及地黃丸而差

汪石山治一人形實而黑病欬痰少聲嘶問或咯血診之右脉大無倫時復促而中止右略少而軟亦時中止曰此脾肺腎三經之病也蓋秋陽燥烈熱則傷肺加之勞倦傷脾脾為肺母母病而子失其所養女色傷腎

為肺子子傷必盜母氣以自奉而肺愈虛矣法當從清
暑益氣湯例而增減之以人參二錢或三錢白朮白芍
麥門冬茯苓各一錢生地當歸身各八分黃柏知母陳
皮神曲各七分少加甘草煎服月餘而安

一人形瘦而蒼年逾二十忽病咳嗽咯血兼吐黑痰醫用
參朮之劑病愈甚診之兩手寸關浮軟兩尺獨洪而滑
此腎虛火旺而然也遂以四物湯加黃柏知母白朮陳
皮麥冬之類治之月餘尺脈稍平腎熱亦減依前方再
作人參一錢兼服枳朮丸加人參山梔以助其脾胃六味
地黃丸加黃柏以滋其腎半年而愈
一人形魁偉色黑善飲年五十餘病衄如注嗽喘不能伏

秘醫以四物湯加麥冬阿膠桑白皮黃柏知母進之愈
甚診之脈大如指脈訣云鼻衄失血沈細宜設見浮大
即傾危據此法不救所幸者色黑耳脈大非熱乃肺氣
虛也此金極似火之病若補其肺氣之虛則火自退矣
醫用寒涼降火之劑是不知亢則害承廼制之旨遂用
人參三分黃芪二錢甘草白朮茯苓陳皮神曲麥冬歸
身甘溫之藥進之一貼病減十貼病愈

一人形近肥而脆年三十餘內有寵妻三月間因勞感熱
鼻衄久而流涕不休臭穢難近漸至目昏耳重食少體
倦醫用四物涼血或用參芪補氣罔有效者診之脈濡
而滑按皆無力曰病不起矣初因水不制火肺因火擾

涕流不休經云肺熱甚則出涕是也况金體本燥津液
且泄則燥者枯矣又則頭面諸陽之液因以走泄經云
枯澁不能流通逆於肉裏乃生癰腫是也月餘面目耳
停果作癰瘡而卒後見流涕者數人多不救

一人年踰四十面色蒼白平素內外過勞或為食傷則咯
硬痰而帶血絲因服寒涼清肺藥消痰藥至五六十點
聲漸不清而至於啞夜臥不寐醒來口苦舌乾而常白
胎或時喉中閣痛或胃膈痛或噯氣夜食難消或手靠
物久則麻常畏寒不怕熱前有癩疔後有內痔遇勞則
發初診左脈沈弱而緩右脈浮軟無力續後三五日一
診心肺二脈浮虛按不應指或時脾脈輕按閣指重按

不足又時或駛或緩或浮或沈或大或小變動無常夫
脈不常血氣虛也譬之虛偽之人朝更夕改全無定准
以脈參證其虛無疑虛屬氣虛為重也蓋勞則氣耗而
肺傷肺傷則聲啞又勞則傷脾脾傷則食易積疔後
痔遇勞而發者皆因勞耗其氣氣虛下陷不能升降故
也且脾喜溫惡寒而肺亦惡寒故曰形寒飲冷則傷肺
以已傷之脾肺復傷於藥之寒涼則聲安得不啞舌安
得不胎胎者伸景謂胃中有寒丹田有熱也夜不寐者
由子盜母氣心虛而神不安也痰中血絲者由脾傷不
能裹血也胃痛噯氣者氣虛不能健運故鬱於中而噯
氣或滯於上則胃痛也遂用參芪各四錢麥冬歸身貝

母各一錢遠志酸棗仁牡丹皮茯苓神各八分石菖蒲甘草各五分其他山查麥芽杜仲隨病出入煎服年餘而復益以寧志丸藥前病漸愈矣且此病屬於燥熱故白朮尚不敢用况他燥劑乎

一人年三十餘形瘦神瘁性急作勞傷於酒色仲冬吐血二盃益腹脹腸鳴不喜飲食醫作陰虛治不應明年春又作食積治更灸中脘章門復吐血碗許灸瘡不潰令食鮮魚愈覺不潰下午微發寒熱不知饑飽診之左手瀦細而弱右覺弱而似弦曰此勞倦飲食傷脾也宜用參芪歸身甘草甘溫以養脾生地麥冬山梔甘寒以涼血陳皮厚朴辛苦以行滯隨時暄涼加減煎服又久疾

或可安三年病愈復他往復縱酒色遂大吐血頓沒一人年二十餘形瘦色脆病咳血醫用滋陰降火及清肺之藥延及三年不減又一年用茯苓補心湯及參蘇飲皆去人參服之病益劇診之脈細而數有五至汪曰不可為也或曰四五至平和之脈何為不可為曰經云五臟已衰六腑已竭九候雖調猶死是也且視形症皆屬死候經曰肉脫熱甚者死嗽而加汗者死嗽而下泄上喘者死嗽而左不得眠肝脹右不得眠肺脹俱為死症今皆犯之雖飲食不為肌膚去死近矣越五日果死凡患虛勞犯前數症又或嗽而聲啞喉痛不能藥或嗽而肛門發癢皆在不救醫者不可不知

一人年三十餘時過於勞嘔血甚憂惟診之脉皆緩弱曰
無慮也由勞倦傷脾耳遂用參芪歸朮陳皮甘草麥冬
等煎服之月餘而愈越十餘年叫號傷氣加以過飽病
膈壅悶有痰間或咯血噎酸飲食難化小便短赤大便
或溇有時滑泄不止睡醒口苦夢多或夢遺醫用胃苓
湯病甚注診或前大後小或駛或緩或細或大或弱或
弦並無常度其細緩弱時常多曰五藏皆受氣於脾胃
傷食減五藏俱無所稟矣故脉之不常脾之虛也藥用
補脾庶幾允當遂以參朮為君茯苓芍藥為臣陳皮神
曲貝母為佐甘草黃柏為使服之瀉止食進後復傷食
前病又作曰再用湯藥腸胃習熱而反見化於藥矣服

之何益今以參苓白朮散加肉苁蓉棗湯調下又復傷
食改用參朮芍苓陳皮砂仁丸服大便即瀉曰脾虛甚
矣陳皮砂仁尚不能當况他消導藥乎惟節飲食以養
之勿藥可也

一人年五十形色蒼白性急語不合則叫號氣噦嘔吐一
日左妳下忽一點痛後又過勞惱怒腹中覺有穢氣冲
上即嗽極吐亦或乾咳無痰甚則嘔血時發如瘧或以
癰治或從痰治或從氣治皆不効診之脉皆浮細略弦
而駛曰此土虛木旺也性急多怒肝火時動故左妳下
痛者肝氣鬱也穢氣冲者肝火凌脾而逆上也嘔血者
肝被火擾不能藏其血也咳嗽者金失所養又受火剋

而然也嘔吐者脾虛不能運化食鬱為痰也寒熱者木火交戰也茲宜泄肝木之實補脾土之虛清肺金之燥庶幾可安以青皮山梔各七分白芍黃芪麥冬各一錢歸身阿膠各七分甘草五味各五分白朮錢半人參三錢煎服月餘諸症悉平

一人年逾三十形色清癯病咳嗽吐痰或時帶紅飲食無味易感風寒行步喘促夜夢紛紜又有癩疔醫用芩連二陳或用四物降火或用清肺初服俱效久則不應診之脈皆浮濡無力而緩右手脾部濡弱頗弦曰此脾病也脾屬土為肺之母虛則肺子失養故發為咳嗽又肺主皮毛失養則皮毛踈豁而風寒易入又脾為心之子

子虛則竊母氣以自養而母亦虛故夜夢不安脾屬濕濕喜下流故入肝為癩疔且癩疔不痛而屬濕宜用參朮茯苓補脾為君歸身麥冬黃芪清肺養心為臣川芎陳皮山查散鬱去濕為佐煎服後以人參四錢黃芪三錢白朮錢半茯苓一錢桂枝一錢煎服而安

謝大尹年四十因勞病咳血頭眩脚弱口氣夢遺時或如冷水滴於身者數點診之脈皆濡緩而弱右關沈微按之不應曰此氣虛也彼謂勞傷咳血夢遺皆血病也右關沈微亦主血病且肥人白人病多氣虛今我色蒼紫何謂氣虛曰初病傷腎經云腎乃胃之關也關既失乎胃亦傷矣故氣壅逆血隨氣逆而咳也又經云二陽

之病發心脾男子少精女子不月二陽者腸胃也腸胃
之病必延及心脾故夢遺亦有由於胃氣之不固也左
手關部細而分之須屬肝而主血繫而論之兩寸主上
焦而察心肺兩關主中焦而察脾胃兩尺主下焦而察
肝腎是左關亦可以察脾胃之病也古人治病有憑證
有憑脈者有憑形色者今當憑症憑脈而依氣虛治焉
遂用參芪各三錢白朮白芍歸身麥冬各一錢茯神地
子酸棗仁各八分陳皮甘草各五分煎服朝服六味地
黃丸加黃柏椿根皮夜服安神九年餘而安越十年致
仕歸再診之右手三部皆隱而不見身又無病此亦事
之異也世謂太素脈法片時診候能知人終身禍福豈

理也哉

一人形瘦色悴年三十餘因勞咳吐血或自汗痞滿每至
早晨嗽甚吐痰如腐查乳汁者一二碗仍復吐盡所食
稍定醫用參蘇飲及枳縮二陳湯彌年弗効人皆危之
診脈濡弱近駛曰此脾虛也宜用參芪或曰久嗽肺有
伏火雜著云咳血嘔血肺受火邪二者禁用參芪今病
犯之而用禁藥何耶曰此指肺嗽言也五藏俱有嗽今
此在脾丹溪曰脾具坤靜之德而有乾健之運脾虛不
運則氣壅逆肺為之動而嗽也故脾所裹之血胃所藏
之食亦隨氣逆而嘔吐焉故用甘溫以補之則脾復其
乾健之運始必有壅者通逆者順肺寧而嗽止胃安而

嘔除血和而循經又何病之不去哉遂以參芪為君白
朮茯苓麥冬為臣陳皮神曲歸身為佐甘草黃芩乾薑
為使煎服旬日而安

一人形色頗實年四十餘病嗽咯血而不能伏枕醫用參
蘇飲及清肺飲皆不效診之脈皆浮而近駛曰此酒熱
傷肺也令嚼天平丸六七粒而安

村庄一婦年五十餘又嗽咯膿血日輕夜重診之脈皆細
濡而滑曰此肺痿也詢其方乃人參清肺飲知母茯苓
湯等劑皆犯人參半夏一助肺中伏火一燥肺之津液
故病益加乃以天麥門冬阿膠貝母為君知母生地紫
苑山施為臣桑白皮馬兜鈴為佐款冬花歸身甜葶藶

桔梗甘草為使五劑而安

一人年踰三十形近肥色淡紫冬月感寒咳嗽痰有血絲
頭眩體倦醫作傷寒發散不愈更醫用四物加黃柏知
母益加身熱自汗曾膈痞悶大便滑泄飲食不進夜不
安靜診之右脈洪緩無力左脈緩小而弱曰此氣虛也
彼謂痰中有紅或咯黑痰皆血病也古云黑人氣實今
我形色近黑何謂氣虛曰古人治病有黃色者有慳脈
者丹溪云脈緩無力者氣虛也今脈皆緩弱故知為氣
虛矣氣宜溫補反用寒涼陽宜升舉反用降下又加以
發散則陽氣之存也幾希遂用參芪四錢茯苓白芍麥
冬各一錢歸身八分黃芩陳皮神曲各七分蒼朮甘草

各五分中間雖稍加減不過行滯散鬱而已服百劑而安

一人形色蒼白年三十餘咳嗽咯血聲啞夜熱自汗診之脈濡細而近駛曰此得之色慾也遂以四物加麥冬紫苑阿膠黃柏知母三十餘貼諸症悉減又覺胃腹痞滿惡心畏食或時糞澹診之脈皆緩弱無復駛矣曰今陰虛之病已退再用甘溫養其脾胃則病根去矣遂以四君子湯加神曲陳皮麥冬服十餘貼而安

江汝潔治程石峯乃稟吐血六脈俱浮大而無力江曰浮而無力則為虛又經曰浮而無力為乳又曰大則病進又曰血虛脈大如葱管據此則知心不主令相火妄行

以致痰涎上湧火載血而上行且歲值厥陰風木司天土氣上應青在於腎腎水既虛相火無制災生無妄治當滋血則心君得以主令瀉火則痰涎可以自除以甘草四分黃芪三錢白芍生地黃各一錢川歸五分水煎熱服一二劑而愈

江篁南治休古林黃上舍春初每日子午二時吐血一甌已吐九晝夜矣醫通用寒涼止血之劑皆弗效且喘而溺診之告曰此勞倦傷脾憂慮損心脾畏血心主血脾失健運心失司主故血越出於上竅耳惟宜補中心脾得所養血自循經而不妄行也醫投寒涼所謂虛其虛誤矣遂以人參五錢白芍茯苓各一錢陳皮甘草各七

分紅花少許煎加茅根汁服之至平且喘定脈稍緩更
衣只一度亦稍結是日血未動惟嗽未止前方加紫苑
貝母又次日五更衄數點加牡丹皮寢不安加酸棗夜
來安靜血不來嗽亦不舉既而加減調理兩月而安
予治第五弟患嗽血初一二劑用知貝母天麥門冬歸芍
清肺之劑夜加脇疼繼用人參錢半脇疼減後加參至
二錢左脈近大而快右略斂少帶弦而駛每嗽則有血
大便澹一日三更夜以人參三錢白朮紫苑各一錢半
茯苓白芍各一錢甘草九分牡丹皮八分加茅根小溲
脈弦快稍減加黃芪二錢百部六分是日嗽止血漸少
既而血亦止然便澹乃倍參芪木山藥陳皮甘草薏苡

白芍等藥兼與健脾丸而愈

[Faint bleed-through text from the reverse side of the page, including characters like '白芍', '甘草', '人參', '茯苓', '白朮', '紫苑', '牡丹皮', '黃芪', '百部', '陳皮', '薏苡', '健脾丸']

下血

東垣治一人宿有陽明血症因五月大熱喫杏腸癖下血
啣速散漫如篩腰沈沈然腹中不和血色黑紫病名濕
毒腸癖陽明少陽經血症也以芍藥一錢半升麻羌活
黃芪各一錢生熟地黃獨活牡丹皮甘草多柴胡防風
各五分歸身葛根各三分桂少許作二服

羅謙甫治真定總管史侯男年四十餘肢體本瘦弱於至
元辛巳因收秋租佃人致酒味酸不欲飲勉飲數盃少
時腹痛次傳泄瀉無度日十餘行越旬便後見血紅紫
之類腸鳴腹痛醫曰諸見血者為熱用芍藥栢皮丸治
之不愈仍不欲食食則嘔酸形體愈瘦面色青黃不澤

心下痞惡冷物口乾時有煩燥不得安卧羅診之脉弦
細而微遲手足稍冷內經云結陰者便血一升再結二
升三結三升經云邪在五臟則陰脉不和則血留之結
陰之病陰氣內結不得外行無所稟滲腸間故便血也
以蒼朮升麻黑附子炮一錢地榆七分陳皮厚朴白朮
乾薑白茯苓乾葛各五分甘草益志仁人參當歸神曲
炒白芍藥各三分右十六味作一服加薑棗煎溫服食
前名曰平胃地榆湯此藥溫中散寒除濕和胃數服病
減大半仍灸中脘三七壯乃胃募穴引胃上升滋榮百
脉次灸氣海百餘壯生發元氣灸則強食生肉又以還
少丹服之則喜飲食添肌肉至春再灸三里二十七壯脾

溫胃生發元氣此穴乃胃之合穴也改服芳香之劑良愈

丹溪治一人嗜酒因逃難下血而痔痛脉沈瀆似數此陽滯於陰也以鬱金芍芷蒼朮香附白芍藥乾葛炒曲以生薑半夏湯調服愈

一老婦性沈多怒大便下血十餘年食減形困心搖動或如烟薰早起面微浮血或暫止則神思清忤意則復作百法不治脉左浮大虛甚又取滯瀆而不勻右沈瀆細弱寸沈欲絕此氣鬱生涎涎鬱留中心氣不升經脉壅遏不降心血絕不能自養故也非開涎不足以行氣非氣升則血不歸隧道以壯脾藥為君諸藥佐之二陳湯

加紅花升麻歸身酒黃連青皮貝母澤瀉黃芪酒芍藥每貼加附子一片煎服四貼後血止去附加乾葛丹皮枝子而烟薰除乃去所加藥再加砂仁炒曲熟地黃木香倍參芪木服半帖愈

一人虛損大便下血每日二三碗身黃瘦以四物加藕節汁一合紅花蒲黃一錢白芷升麻槐花各五分服之愈虞恒德治一男子四十餘素飲酒無度得大便下血證一日如廁二三次每次便血一碗以四物湯加條芩防風荆芥白芷槐花等藥連日服之不効後用橡斗燒灰二錢七分調入前藥汁內服之又灸脊中對臍一穴血遂止自是不發

林回甫病小使下血醫用八正散與服服後不勝其苦小
腹前陰痛益甚一醫俾服四君子湯送稍差後服鬼絲
子山藥丸氣血漸充實而愈

張太守網病臟毒下血十餘載久服涼劑殊無寸效服小
鬼絲子丸盡藥而痊

周輝患太便下血百藥俱嘗止而復作猶十五年不愈或
以人參平胃散逐日進一服至月餘而十五載之病瘳
王庭王府長史也病太便下血勢頗危殆一日昏憤中聞
有人云服藥候矣喫小水好庭信之飲小水一碗頓甦
逐日飲之而愈

一人患下血諸治不效一效以老絲瓜去向裏上筋烘燥

不犯鐵為末空心酒下二三匙連服數朝愈

薛立齋治一儒者素善飲不時便血或在糞前糞後食少
體倦面色痿黃此脾氣虛不能統血以補中益氣加昇
茱萸黃連各三分神曲一錢五分四劑而血止減去神
曲茱萸三十劑而安

一男子每欲食勞倦便血飲食無味體倦口乾此中氣不
足用六君子湯加芎歸而脾胃健又用補中益氣而便
血止再不復作

一男子每怒必便血或吐血即服犀角地黃湯之類薛曰
當調理脾胃彼不信仍服之日加倦怠面色痿黃又用
四物芩連丹皮之類飲食少思心煩熱渴吐血如瀉竟

至不起此症久服寒涼損胃必致誤入其脾虛不能攝血不用四君芎歸補中益氣之類吾未見其生者

一婦年六十素憂怒曾痞少寐所食棗栗麪餅少許略進米飲則便利腹痛十年矣復大怒兩脇中腕或小腹作痛痰有血塊用四君加炒黑山梔茯苓神曲少佐以吳茱萸十餘劑及用加味歸脾湯二十餘劑諸症漸愈後因子恚意忽吐紫血塊碗許次日復吐鮮血盈許喘促自汗曾膈痞悶湯水不入七日矣六脈洪大而虛脾脈弦而實此肝木乘脾不能統攝其血上涌故其色鮮非熱毒所蘊以人參一兩炮黑乾薑一錢服之即寐覺而喘汗稍緩再劑熟寐半日喘汗吐血俱止若脾胃虛

寒用獨參湯恐不能運化作飽或大便不實故佐以炮薑

一產婦小便下血面色青黃脇脹少食此肝乘脾土之症用加味道遙散補中益氣湯數服而愈後為懷抱不樂食少體倦驚悸無寐血仍作用加味歸脾湯二十餘劑將愈或於衆論用犀角地黄湯之類一劑諸症復作仍服前藥而愈

一產婦糞後下血諸藥不效飲食少思肢體倦怠此中氣虛熱用補中益氣加茱炒黃連五分四劑頓止但怔忡少寐盜汗未止用歸脾湯而愈

一婦但怒便血寒熱口苦或胃脇脹痛或小腹痞悶此怒

動肝火而侮土用六君子加柴胡山桅而愈用補中益氣加味道遙二藥而不復作

婦人久下血在糞前屬脾胃虛寒元氣下陷用補中益氣加連炒茱萸一錢數劑稍緩乃加用生吳茱萸三分數劑而愈

婦人產後便血口乾飲湯胃脹膨滿小腹悶墜內熱晡熱飲食不甘體倦面黃日晡則赤洒浙惡寒此脾肺虛先用六君子加炮薑木香諸症漸愈用補中益氣將愈用歸脾湯全愈後飲食失節勞後兼怒發熱血崩夜間熱甚譫語不絕此熱入血室用加味小柴胡二劑而熱退用補中益氣而血止用逍遙散歸脾湯調理而安

江應宿治一友人朱姓者患便血七年或在糞前或在糞後面色痿黃百藥不效每服寒涼其下愈多診得六脉濡弱無力乃中氣虛寒脾不能攝血歸經用補中益氣湯加燈燒落荆芥穗一撮橡斗灰一錢炒黑乾薑五分二劑而血止單用補中益氣十餘服不復作矣

權按丹溪有曰精氣血氣出於穀氣惟大便下血當以胃氣收功厥有音哉故薛立齋之諸按多本諸此

弱血

薛立齋治一婦人小便血因怒氣寒熱或頭痛或脇脹用加味逍遙諸症稍愈惟頭痛此陽氣虛用補中益氣加蔓荊子而痊後鬱怒小腹內疝痛次日尿痛熱甚仍用前散加龍膽草并歸脾湯將愈因飲食所傷血仍作徹夜不寐怔忡不寧此脾血尚虛用前湯而愈

一婦人尿血久用寒涼止血藥面色痿黃肢體倦怠飲食不甘晡熱作渴三年矣此前藥復傷脾胃元氣下陷而不能攝血也蓋病久鬱結傷脾用補中益氣以補元氣用歸脾湯以解脾鬱使血歸經更用加味逍遙以調養肝血不月諸症漸愈三月而痊

痔

腸風膿毒附

一婦產後痔作瘡有頭如赤豆大或下鮮血或紫血大便疼與黑神散又多食肉太飽濕熱在大腸所為以郁李仁去皮麻仁槐角各七分枳殼皂角仁各五錢為末蒼朮歸尾生地各三錢大黃炒一錢分六劑服

峽州王及郎中充西路安撫司判官乘驢入駱谷及素有痔疾因此大作其狀如胡瓜貫於腸頭熱如澆灰火至驛僮仆主驛吏曰此病某曾患之須灸即差用柳枝濃煎湯先洗痔便以艾炷灸其上連灸三五壯忽覺熱氣一道入腸中因大轉瀉鮮血穢物一時出至痛楚瀉後失胡瓜所在乘驢而馳

陸大叅文量在宣府時患痔疾甚為所苦久不能愈太監
弓勝用苦苣菜或鮮或乾煎湯沸熟爛為度和湯置新
桶中坐薰之湯溫即揉頻洗湯冷則止日洗數次至明
日果效他方不及也蓮一作莖一名苦澁菜徽郡人當
蔬性苦寒無毒其色赤如蕎麥冬月不凋月令苦菜秀
是也本草名敗醬

王渙之知舒州下血不止郡人朝議大夫陳宜父令其四
時取四方栢葉春取東方之類燒灰調二錢服而愈王
後官頓上以治二車兵令昇亦效提點司屬官陳逸大
夫偶來問疾吳倅告以用陳公之方而獲安陳君感額
曰先人也仍須用側栢為佳道場慧禪師曰若釋子恐

難用此不若灼艾最妙平直量骨脊與臍平處椎上灸
七壯或年深更於椎骨兩傍各一寸灸如上數

劉向為潁椽患藏毒凡半月瘦瘠自分必死或教以乾柿
燒灰飲下二錢二三次即愈更不復作本草云柿治腸
癖解熱毒消宿血素問云腸癖為痔

洛陽一女子年十七耽飲無度多食魚蟹蓄毒在藏日夜
二三十次大便與膿血雜下大腸與肛門痛不堪任醫
以此血痢藥不效又以腸風藥則益甚蓋腸風則有血
而無膿如此已半年餘去血漸弱食漸減肌肉漸消稍
服熱藥則腸愈痛血愈下稍服涼藥則泄注氣羸粥食
愈減服溫平藥則病不知將期歲醫告術窮待斃而已

或教服人參散病家不敢主謾試之一服知二服減三服膿血皆定不十服而愈迺求其方云治大腸風虛飲酒過度挾熱下痢膿血疼痛多日不差樗根白皮人參各二兩爲末二錢匕空心溫酒調下不飲酒以溫米飲下忌油膩濕麪青菜菓子甜物雞魚蒜等

薛立齋治王侍御之子患痔作渴發熱尺脉洪數按之無力薛曰此肝腎陰精虧損虛火妄動當滋化源彼不信後吐痰聲嘶面赤倦疲而歿

一進士周素有疝痔勞則小腹上疝作痛莖出白津痔則腫痛若飲食勞倦則發寒內熱體倦吐痰服十全大補諸症皆愈猶欲速效乃易藥攻之肌體骨立薛用補中

益氣地黃丸元氣漸復

一士人患痔膿血淋漓口乾作渴晡熱便血自汗盜汗薛曰此屬腎陰虛也彼不信乃服柏知連翹以致食少瀉嘔乃先用補中益氣加茯苓半夏炮乾薑脾氣漸醒後用六味丸與臨卧服兩月而愈

一男子畏服寒涼之劑虛證悉具每晨去後稀溲食少體倦口乾無津液時覺下墜此元氣下陷也用補中益氣湯而下墜斷止投四神丸而食進便實用六味丸而津生瘡愈矣

一膏梁酒色之人患痔作痛服寒涼之藥竟腎腫硬又加大黃腹脹頭痛爲用補中益氣湯升補陽氣加參苓半

夏木香以助行氣數劑而愈

陸上舍冬患痔作痛右寸浮大左寸口洪數薛曰冬見夏脉當壯水之主以鎮陽光彼以爲迂別服苓連之劑薛謂其姪曰令舅氏腎水不能生肝木發于春驗矣今今叔腎水不能制心火當發於夏至甲辰六月薛復視之痰涎上湧日夜不寐脉洪大而數按之無力左尺全無足膝肩膊逆冷薛曰事急矣彼云但求少延數日以待嗣子一見姑用參芪歸木炮薑之類及六味丸料加肉桂至本月而歿五行之理信然

孔華峯治一人患痔濃血淋漓用黃連去毛爲細末蜜調空心服二三錢立効

江應宿述予年四十有六盛夏北上途中酷暑鞭馬之勞飲燒酒食葱蒜抵燕患痔如荔枝大每更衣脫出移時漸上後重脹悶以川連一斤去毛無灰酒七斤燉火煮黑酒稠如蜜加清酒調服脫然如失後二年六月出塞復患如前再服黃連煮酒一匕而愈永不復發

宿述經云飲食飽甚筋脉橫解腸痔爲痔多起於房勞心苦飲食不節初起則易爲力久而成漏宜禁炙燂飽食或房勞憂怒內觀自養可也幸勿妄用穿針挂線爛藥內病不除徒傷正氣致損天命慎之

脫肛

東垣治一女子脫肛用糯米一勺濃煎飲去米候溫洗肛
溫柔却先以磚一片火燒通紅用醋沃之以青布鋪磚
上坐肛於青布上如熱則加布令厚其肛自吸入而愈
一人大腸頭出寸餘候乾自退落又出名截腸病用芝麻
油器盛坐之飲大麻子汁數升愈

張景周先生守廣信患脫肛四旬餘不收諸治不效甚
有醫士林者用天花粉一味為末以豚脂鴨羽塗上即
潤澤如有物抽吸俄頃收入求其法乃出千金方也
薛立齋治舉人余時正素有痔每勞後脫肛腫痛出水此
中氣下陷用補中益氣加茯苓為藥十餘劑中氣漸復

痔症悉愈後復脫肛作痛誤服木黃丸以致腹鳴惡食
幾殆薛用前湯加炮薑酒炒為藥諸症悉除乃去炮薑
加熟地五味三十餘劑而脫肛漸上亦愈

一男子脾胃素弱或因房勞或因勞倦肛門即下腫悶痛
甚用補中益氣加麥冬五味兼六味丸而愈
一儒者面白神勞喜熱極飲食多必吞酸作瀉吸氣覺冷
便血盜汗薛以為脾胃虛寒用補中益氣加炮薑肉桂
五十餘劑八味丸許諸症悉愈

腎臟風瘡

薛立齋治欽天薛循齋六十有一兩膝如癩搔痒成瘡膿
水淋漓發熱吐痰四年矣用六味丸四生散而差年餘
復作延及遍體日晡益甚痰渴盜汗唇舌生瘡兩自皆
赤此腎經虛火兼水泛為痰用八味加減而愈三年之
後小便淋漓莖中瀉痛此陰痿思色精不出而內敗用
前丸及補中益氣加麥冬五味子而痊

一男子患兩足時熱脚跟作痛此足三陰虛證用加減八
味丸補中益氣加麥冬五味而愈

按腎風屬腎虛風邪乘於膝脛以致皮膚如癩或漸
延上腿久則延及遍身外症則搔痒成瘡膿水淋漓

眼自昏花內症則口燥舌乾腰脚倦怠吐痰發熱盜
汗肌瘦治法見按中

廉瘡

鴻臚翟少溪兩廉生瘡漸至遍身發熱吐痰口燥咽乾盜汗心煩溺赤足熱日晡益甚形體日瘦此腎經虛火也
用六味丸不月諸症悉退三月元氣平復按外廉屬足三陽可治內廉一偶足三陰難治

一婦人患之四畔微赤作痛重墜膿水淋漓胃膈不利飲食少思內熱口苦夜間少寐此屬脾虛鬱傷用歸脾解鬱結而生脾血用補中益氣加茯苓半夏補脾氣而除熱濕尋愈

一婦人廉瘡久不愈色赤微熱日晡掀腫形體虛弱飲食少思勞則喘渴惡寒發熱此脾虛下陷用補中益氣湯

而愈

一人廉瘡三年矣色黯腫硬惡寒發熱飲食少思形體消瘦作渴飲食稍多或腹脹或泄瀉或作嘔或吞酸此脾氣虛寒用補中益氣加乾薑肉桂五十餘劑而愈

一婦人因怒寒熱頭眩或耳項胃脇脹痛或少腹陰道悶墜或小便頻數下血此屬肝火血熱先用小柴胡湯加炒黑山桅川芎當歸車前一劑諸症頓退又用加味道遙散補其陰血而愈後因飲食勞倦前症復作瘡口出血用補中益氣湯治之而愈

一婦人患之將兩月癩赤腫痛小便頻數飲食如常用活命飲二劑諸症不作又用八珍湯而愈

一婦人患之，焮痛惡寒發熱，用檳蘇敗毒散而寒熱退，用仙方活命飲而焮痛止，用補中益氣湯而形氣健。

江應宿治金上舍患兩脇焮赤痛痒，瘡口無數，膿水淋漓。

四畔小白黃水泡如鋪黍狀，上至三里，下至脛，殊苦污。

濁沾裳襪，予得方生所驗之方，用猪板油溶化，一兩鉛。

粉黃蠟各五錢，收起，用時攤在油單紙上，少加輕粉，搗。

面先以花椒葱水洗淨，瘡口拭乾，貼之外，用絹包裹，自。

日愈。

予自昔患外臙腫，膿出紫黑血，屢月不愈，瘡口多歧，焮紫。

痛楚，得族叔授一方，以嫩白松香一兩，乳沒各五分，同。

入銅鈔熔化，傾水中候冷，研為細末，用真麻油調取，箬。

一片大如瘡口，用針刺小眼無筭，將藥塗著皮外，隔箬。

貼瘡，洗如前法，更用油紙蓋在藥上，以軟帛包裹，自日。

愈，此方生肌止痛神良，勿以淺近而忽之。

前陰病

東垣治一人前陰臊臭又因連日飲酒腹中不和求治曰夫前陰者足厥陰肝之脉絡循陰器出其莖末凡臭者心之所主散入五方為五臭入肝為臊當於肝經中瀉行間是治其本後于心經中瀉少冲乃治其標如惡針當用藥除之酒者氣味俱陽能生裏之濕熱是風燥熱命于下焦為邪故經云下焦如瀆又云在下者引而竭之酒是濕熱之物亦宜決前陰以去之治以龍膽瀉肝湯又治陰邪熱痒柴胡稍二錢澤瀉二錢車前子二錢木通五分生地黃當歸稍草龍膽各三分作一服水煎以美膳壓之

丹溪治一人年少玉莖挺長腫而痿皮塌常潤磨股不能行二脇氣上冲先以小柴胡加黃連大劑行其濕熱次又加黃柏降其逆上之氣莖腫漸收及半但莖中有一堅塊未消遂以青皮為君佐以散風之劑為末服之外以絲瓜子汁調五味末一作五倍子付之而愈

滄洲治陳樞府內人病切其脉左手弦而扪餘部皆和即起密告陳曰夫人病當陰中痛而出血且少陰對化在玉泉心或失寧則玉泉應心痛痛則動血而與經水不相關蓋得之因內大驚神攝而血苑陳曰公醫誠良也致病一如公言乃為製益榮之劑且納藥幽隱再劑而愈

一人色蒼黑年五十餘素善飲忽玉莖堅挺莫能沾囊不能屈腰作揖當以竹筴爲纏弓狀攔於玉莖之前但小便後卽欲飲酒否則氣不相接蓋濕熱流入厥陰經而然也專治厥陰濕熱而愈

一寵妾年三十餘凡交感則覺陰中隱痛甚則出血按其脉兩尺沈遲而瀉用補血散寒之劑不愈因思藥與病對服而不効恐未適至其所也偶檢千金方用蛇床子散綿裹納其中二次遂愈

一人在山亭裸體丙卧其陰莖被飛絲纏繞陰頭腫欲斷以威靈仙搗汁入水浸洗而愈

一人莖頭腫大如升光如水泡以二陳加升麻青黛牡蠣

二劑而愈

一少年新婚欲交媾女子阻之乃逆其意遂陰痿不舉者五七日以秃筆頭燒灰酒下二錢而起

一婦產後因子死經斷不行者半年一日少腹忽痛陰戶內有物如石硬塞之而痛不禁衆醫不識青林曰此石瘕病也用四物加桃仁大黃三稜檳榔玄胡索附子澤瀉血竭爲湯二劑而愈

一人玉莖硬不痿精流不歇時如針刺捏之則脆乃爲腎滿漏疾用韭子破故紙各一兩爲末每三錢日三服卽止

薛立齋治一婦人曾膈不利內熱作渴飲食不甘肢體倦

急陰中悶痒小便赤澀此鬱怒所致用歸脾加山桅芎
歸芍藥而愈但內熱晡熱用逍遙散加山桅亦愈後因
勞後發熱患颰腫脹小便仍澀用補中益氣加山桅茯
苓丹皮而愈

一婦人陰中突出如菌四圍腫痛小便頻數內熱晡熱似
痒似痛此肝脾鬱結之病蓋肝火濕熱而腫痛脾虛下
陷而重墜也先以補中益氣加山桅茯苓車前青皮以
清肝木升脾氣漸愈更以歸脾湯加山桅茯苓川芎調
理更以生豬脂和藜蘆末塗之而收

一婦陰中挺出一條五寸許悶痛重墜水出淋漓小便澀
滯久與龍膽瀉肝湯分利濕熱朝與補中益氣湯升補

脾氣諸症漸愈再與歸脾加山桅茯苓川芎黃柏間服
調理而愈後因勞後或怒氣下部濕痒小便不利仍用
前藥而愈亦有尺許者亦有生諸虫物者用此法治之
一婦人腐潰膿水淋漓腫痛寒熱小便赤澀內熱作渴肢
體倦怠胃脘不利飲食少思三月餘矣用補中益氣加
柴胡升麻茯苓各一錢炒桅二錢數劑少愈又與歸脾
加山桅川芎茯苓三十餘劑諸症悉退惟內熱尚在再
與逍遙散倍炒桅而愈

一婦人素性急陰內或痛小便赤澀怒則益甚或發寒熱
治以芎歸炒桅柴胡苓朮丹皮澤瀉炒芍車前炒連生
甘數劑漸愈乃去黃連澤瀉數劑而痊

一婦人素鬱悶陰內痛痒不時出水飲食少思肢體倦怠
用歸脾加丹皮山梔芍藥柴胡生甘草主之而安

一婦人陰內痛痒內熱倦怠飲食少思用參芪歸朮陳皮
柴胡炒枳車前升麻芍藥丹皮茯苓治之而愈若陰中
有虫痒痛亦屬肝木以桃仁研和雄黃末納陰中以殺
之仍用清肝解鬱有以鷄肝納之者取虫之法也

一婦人交接出血作痛發熱口乾誤服寒涼之藥前症益
甚不時欲嘔飲食少思此症屬肝經而藥復傷之也先
用六君子加柴胡而脾胃漸愈乃用加味逍遙散而患
慶亦痊

一婦人每交接則出血作痛敷服皆涼血止痛之劑不時

出血甚多此肝傷而不能藏血脾傷而不能攝血也用
補中益氣濟生歸脾二湯而愈或用熱艾帛裹入陰中
或用亂髮青皮燒灰敷之而血自止若出血過多而見
他症但用前藥調補肝脾諸症悉愈

一婦人陰門不閉腫痛發熱惡寒用十全大補加五味四
劑腫消而斂若初產腫脹或熾痛而不閉者當用加味
逍遙散若腫既消而不閉當用補中益氣湯切忌寒涼
之劑

一婦人脾胃素弱兼有肝火產後陰門腫痛寒熱作渴嘔
吐不食敷大黃等藥服驅利之劑腫及于臀處症蜂起
此真氣虛而作先用六君子以固脾胃乃以補中益氣

升舉不數劑而消

一產婦失治腫潰不已形體消瘦飲食少思朝寒暮熱自汗盜汗半年矣用補中益氣加茯苓半夏以健脾胃膈水漸少飲食漸進用歸脾湯以解脾鬱共五十餘劑元氣復而愈

一產婦陰門不閉小便淋瀝腹內一物攻動脇下或脹或痛用加味道遙散加車前子而愈

一婦人子宮腫大二日方入損落一片殊類猪肝已而面黃體倦飲食無味內熱晡熱自汗盜汗用十全大補二十餘劑而愈仍復生育

薛已曰余奉侍武廟湯藥勞後過甚飲食失節復兼怒

氣次年春莖中作痒時出白津時或痛甚急以手緊捻方止此肝脾之氣虛也服地黃丸及補中益氣加黃柏柴胡山梔茯苓木通而愈丁酉九月又因勞後小便淋瀝莖痒竅痛仍服前湯加木通茯苓膽草澤瀉及地黃丸而愈

司廳張檢齋陰囊腫痛時發寒熱若小腹作痛則莖出白津用小柴胡加山梔膽草茱萸芎歸而愈

一男子莖中痛出白津小便秘時作痒用小柴胡加山梔澤瀉炒連木通膽草茯苓二劑頓愈又兼六味地黃丸而差

一男子陰腫大如升核痛醫莫能治搗馬鞭草塗之而愈

一 小兒陰囊忽虛腫痛以生甘草調地龍糞塗之愈
一 婦人陰腫堅硬用枳實八兩碎炒令熟故帛裹熨冷則
易之

痛風

唐甄權治一人患風手不得引諸醫莫能療甄權謂曰但得
弓箭向坊一鍼可以射矣鍼其肩隅一穴應時愈貞觀
中權年八十三歲太宗幸其家訪以藥性因授朝散大
夫賜几杖衣服所著脈經鍼法明堂人形圖各一卷唐史
南史解叔謙鴈門人母有風疾夜於庭中稽顙祈告聞空
中云得了公藤治即瘥訪醫及本草皆無至宜都山見
一翁伐木云是了公藤瘻風乃拜泣求得之及漬酒法
受畢失翁所在母疾遂愈本草
張杲掌病兩臂痛服諸藥不効一醫教取桑枝一小升細
切炒香以水三大升煎取二升一日服盡無時服數劑

尋愈 本事方

東垣治一人時冬忽有風氣暴至六脉弦甚按之洪大有
方其證手攣急大便秘澁面赤熱此風寒始至於身也
四肢者脾也以風寒之邪傷之則搐而攣痺乃風淫末
疾而寒在外也內經曰寒則筋攣正謂此也素飲酒內
有實熱乘於腸胃之間故大便秘澁而面赤熱內則手
足陽明受邪外則足太陰脾經受風寒之邪用桂枝二
錢甘草一錢以却其寒邪而緩其急縮黃柏二錢苦寒
滑以瀉實潤燥急救腎水升麻葛根各一錢以升陽氣
行手陽明之經不令遏絕桂枝辛熱入手陽明之經為
引用潤燥復以甘草專補脾氣使不受風寒之邪而退

木邪專益肺經也佐以人參補氣當歸和血潤燥作一
貼水煎服令煖房中摩搓其手遂安

丹溪治一老人性急作勞兩腿痛甚此兼虛證宜溫補與

四物湯加桃仁陳皮牛膝生甘草入生薑研潛行散熱

飲三四十貼而安潛行散黃柏酒浸為末入湯藥調服

一婦性急味厚痛風攣縮數月此挾痰與氣當和血疎氣

導痰以潛行散入生甘草牛膝炒枳殼通草桃仁薑汁

煎服半年而安

一少年患血痢用澁藥取效致痛風叫號此惡血入經絡

也血受濕熱久必凝濁所下未盡留滯隧道所以作痛

久則必成偏枯與四物湯加桃仁紅花牛膝黃芩陳皮

生甘草煎入生薑研潛行散入少酒飲之數十貼又刺
委中出血黑血三合而安已上三人正所謂病有數種
而治法少異也

一人貧勞秋深渾身發熱手足皆疼如煨晝輕夜重服風
藥愈痛氣藥不効脉滿而數右甚於左飲食如常形瘦
如削蓋大痛而瘦非病一也用蒼朮酒黃柏各一錢半
生附一片生甘草三分麻黃五分研桃仁九箇煎入薑
汁令辣熱服四貼去附加牛膝一錢八貼後氣喘促不
得眠痛略減意其血虛因多服麻黃陽虛被發動而上
奔當補血鎮墜以酸收之遂以四物湯減川芎倍芍藥
加人參二錢五味子十二粒與二貼定三日後數脉減

大半瀉如舊仍痛以四物加牛膝參朮桃仁陳皮甘草
攪擲生薑三片五十貼而安後因負重復痛陰少前藥
加黃芪三分又二十貼愈

一人患背胛縫一線痛起上脘骨至留前側脇而止晝夜
不住脉弦而數重取左豁大於右意其背胛小腸經胃
脇膈經也必思慮傷心心藏未病而小腸府先病故病
從背胛起及慮不能決乃歸之膈故痛至留脇乃小腸
火乘膈木子來乘母是為實邪詢之果因謀事不遂而
病用入參四分木通二分煎湯為使吞龍膽丸數服而
愈

一壯年厚味多慾秋間於髀樞左右發痛一點延及膝胛

痛處惡寒晝靜夜劇口或渴膈或痞醫用補血及風藥
至次年春痛甚食減形瘦膝腫如柳脉弦大頗實寸瀼
甚大率皆數小便數而短作飲食痰積在太陰陽明治
之以酒炒黃蘗一兩生甘草稍犀角屑鹽炒蒼朮各三
錢川芎二錢陳皮牛膝木通芍藥各五錢遇暄熱加黃
芩二錢為末每三錢與薑汁同研細煎令帶熱食前服
之用根取日夜四次半月後脉減病輕去犀角加牛膝春夏用
汗尤妙龜板歸身尾各五錢如前服又半月腫減食增
不惡寒惟脚痿軟去蒼朮黃芩夏加炒蘗一兩半餘依
本方內加牛膝中年人加生地黃五錢冬加桂枝茱萸
病遂愈仍絕酒肉濕麪胡椒

一 村夫背偻足攣成廢疾脉沈弦而潛以煨腎散其遠
錢入猪腰內煨食之與之上吐下瀉過一月又行一次凡三四貼
而愈

一 人因濕氣右手疼痛攣拳以二陳加金毛狗脊杜仲川
芎并麻

一 人項強動則微痛脉弦而數實右為甚作痰熱客太陽
經治之以二陳湯加酒洗黃芩羌活紅花而愈

一 人濕氣脚攣拳伸不直用當歸拈痛湯加杜仲黃柏川
芎白朮甘草枳殼愈

巢元方治開河都護麻叔謀患風逆起坐不得元方視之
曰風入腠理病在胃臆須用嫩羊肥者蒸熟和藥食之

則瘡初謀取羊羔殺而取腔以和藥藥未盡而病痊
盧砥鏡治何侍郎女適夫夫早世女患十指拳攣掌垂莫
舉膚體瘡瘍栗栗然湯劑雜進飲食頓減幾半誠虛診
之謂非風也乃憂愁悲哀所致病屬內因於是料內因
藥仍以鹿角膠葷多用麝香熬膏貼瘡垂垂漸得掌得
舉指能伸病漸近安經云神傷於思慮則肉脫意傷於
憂愁則肢廢魂傷於悲哀則筋攣魄傷於喜樂則皮稿
志傷於盛怒則腰脊難以俛仰也

薛立齋治一婦人自汗盜汗發熱晡熱體倦少食月經不
調吐痰甚多已二年矣遍身作痛天陰風雨益甚用小
續命湯而痛止用補中益氣加味歸脾湯三十餘劑自

汗等證皆鬱結傷損脾不能輸養諸藏所致故用前二
湯專主脾胃若用寒涼降火理氣化痰復傷生氣多致
不起

一婦人因怒月經去多發熱作渴左目緊小頭項動掉四
肢抽搐遍身疼痛此怒動肝火肝血虛而内生風用加
味逍遙加釣藤數劑諸症漸愈又用八珍湯調理而安
一婦人歷節作痛發熱作渴飲食少思月經過期諸藥不
應脉洪大按之微細用附子八物四劑而痛止用加味
逍遙而元氣復六味九而月經調
一婦體胖素內熱月經先調患痛風下身微腫痛甚小便
頻數身重脉緩症屬風濕而血虛有熱先用羌活勝濕

湯四劑腫漸愈用清燥湯數劑小便漸清用加味逍遙
十餘劑內熱漸愈為飲食停滯發熱仍痛面目浮腫用
六君子加柴胡升麻而愈又因怒氣小腹痞悶寒熱嘔
吐此木侮脾土用前藥加山梔木香而安惟小腹下墜
似欲去後此脾氣下陷用補中益氣而愈後因勞役怒
氣作嘔吐痰遍身腫痛月經忽來寒熱用六君子加柴
胡山梔以扶元氣清肝火腫痛嘔吐悉退用補中益氣
以升陽氣健營氣月經寒熱漸瘥
一婦人飲食少思畏見風寒患痛風嘔吐寒熱脉弦緊用
附子八物四肢痛愈用獨活寄生腰痛亦瘥惟兩膝腫
痛用大防風而消用加味歸脾逍遙而元氣復

古朴翁治一人病左腳痺痛醫作風治不愈翁診之曰人
身之血猶溪河之水也細流則阻滯得冷則凝聚此病
得於新娶之後未免血液勞損而凝礙加以寒月涉水
益其滯安得不痺滯久不散鬱而為熱致成腫毒若能
預加滋養庶幾毒潰可免後患遂令服四物湯加牛膝
紅花黃柏等四五十貼其家見病不退復疑欲用風藥
翁曰補藥無速効病邪不退藥力未至也令守前方每
貼加入參四五錢痺除而肌亦易長後覺左腳縮短四
五寸眾以為蹇翁曰年尚壯無慮也俟血氣充足則筋
得所養而自伸矣後果平復如初

汪石山治一婦年踰五十病左腳膝攣痛不能履地夜甚

於晝小腹亦或作痛診其脉浮細緩弱按之無力尺脉尤盛病屬血衰遂以四物湯加牛膝紅花黃柏烏藥連進十餘貼而安

韓飛霞治一都司因哭弟成疾飲食全絕筋骨百節皮膚無處不痛而腰為甚一云腎虛宜補或云風寒宜散韓曰此亦危證其脉瀋正東垣所謂非十二經中正疾乃經絡奇邪也必多憂愁轉抑而成若痰上殆矣補則氣滯散則氣耗乃主以清燥湯連進三甌遂困睡至五鼓無痰覺少解脉之減十之三遂專用清燥湯加減與之十劑而愈

痿

東垣治一人壯年病脚膝痿弱膝下尻醫皆冷陰汗臊臭精滑不固或以鹿茸丸治不効李診之脉沈數而有力即以滋腎丸治之以寒肉熱用引入下焦適其病所瀉命門相火之勝再服而愈

丹溪治一人形肥味厚多憂怒脉常沈瀋春病痰氣醫以為虛寒用熱燥香竄之藥至夏足弱氣上衝食減朱曰此熱鬱而脾虛痿厥之證作矣形肥而脉沈未是死症但藥邪並火旺難治且與竹瀝下白木膏盡二片氣降食進至一月後仍大汗而死書此以為誤藥之戒

滑伯仁治一婦始病瘡當夏月醫以脾寒胃弱久服桂附

等藥後瘡雖退而積火燔熾致消穀善饑日數十飯猶不足終日端坐如常人第目昏不能視足弱不能履腰膝困軟肌肉虛肥至初冬伯仁診之脈洪大而虛濡曰此痿症也長夏過服熱藥所致蓋夏令濕當權剛劑太過火濕俱甚肺熱葉焦故兩足痿易而不爲用也遂以東垣長夏濕熱成痿之法治之日食益減日漸能視至冬末忽下榻行步如故

祝仲寧治一人病脚膝痺痛醫皆以爲寒濕率用烏附蛇酒之藥盛暑猶服綿如是者三載其人夢有神人書祝字以示因請祝祝診視良久又檢諸醫按撫然曰此濕熱相搏而成經所謂諸痿生於肺熱者也即日褫其綿

取清燥湯飲之曰此疾已深又爲熱藥所誤非百貼不効蓋服三月餘病良已

南昌太守王詔病筋痿給事中徐峰病氣痿皆爲醫所誤祝一以清燥湯起之

一婦年二十餘腦生一竅口中所效膿血與竅相應而出此肺痿也用參芪當歸加退熱排膿之劑而愈

石山治一人因久坐腰痛漸次痛延右脚及左脚又延及左右手不能行動或作風治而用藥酒或作血虛而用四物一嚙卽痛蓋覆稍熱及用鍼砭痛甚煎服熟地黃或吞鹿潛丸又加右齒及面痛甚季秋汪診之脈濡緩而弱左脈比右較小或瀦尺脈尤弱曰此痿症也彼謂

痿症不當痛汪曰諸痿皆起於肺熱君善飲則肺熱可知經云治痿獨取陽明陽明者胃也胃主四肢豈特脚耶痿兼濕重者則筋緩而痿軟兼熱多者則筋急而作痛因檢橘泉傳示之始信痿亦有痛又經云酒客不喜甘熱地味甘而虎潛丸益之以蜜則甘多助濕而動胃火故右齒面痛也遂以人參二錢黃芪錢半白朮茯苓生地黃麥門冬各一錢歸身八分黃柏知母各七分甘草四分煎服五貼病除彼遂棄藥李冬復病仍服前方而愈

一人形肥色黑素畏熱而好飲年三十餘忽病自汗如雨四肢俱痿且惡寒小便短赤大便或澹或結飲食亦減

醫作風治用獨活寄生湯小續命湯罔效仲夏汪視之脉沈細而數約有七至曰此痿症也丹溪云斷不可作風治經云痿有五皆起於肺熱尺此一句便知其治之法矣經又云治痿獨取陽明蓋陽明胃與大腸也胃屬土肺屬金大腸亦屬金陽金賴土生土虧金失所養而不能下生腎水水涸火盛肺金被傷况胃主四肢肺主皮毛今病四肢不舉者胃土虧也自汗如雨者肺金傷也故治痿之法獨取陽明而兼清肺經之熱正合東垣清燥湯服百貼果愈

一老人痿厥累用虎潛丸不愈後於虎潛丸加附子立愈蓋附子有反佐之功也

一人軟風不能行以草烏白大者去皮臍木鼈去殼白膠香五靈脂各三兩半斑猫一箇去頭翅足醋煮為末用黑豆去皮生杵取粉一斤醋糊其溲杵為丸如鷄頭大每服一丸溫酒磨下不十日立効專治心腎肝三經通小便除淋瀝通榮衛滑經絡此方傳自淨因寺聖僧得之兼治筋骨疼但未嘗針傷損者三五服奇効薛已治其師僉憲高如齋自大同回謂已曰余成風病矣兩腿逸則痿軟而無力勞則作痛如鍼刺脉洪數而有方已曰此肝腎陰虛火盛致痿軟無力真病之形作痛如錐邪火之象也用壯水益腎之劑而愈高曰向寓宦邸皆以為風恨無醫藥若服風劑豈不殆哉吾之幸也

竊謂前症往往以為風疾輒用發散而促其危者多矣一男子足痿軟日晡熱薛曰此足三陰虛當用六味滋腎二丸補之一婦人腿足無力勞則倦怠薛曰四肢者土也此屬脾虛當用補中益氣及還少丹主之俱不從其言各執搜風天麻二丸并愈風丹而殞江篁南治一婦年近四十寡居數年因勞役倦怠忽項強難轉既而手不能運上頭漸次足疼莫能移步不覺食嘔惡微效稠痰肌體清癯經事不甚愆期屢醫經年不効春初江診之右脉浮濡損小而數或三五不調左稍大而瀦按之無力曰此痿症也經云諸痿起於肺熱又謂治痿獨取陽明蓋肺主氣病則其氣積鬱至於手足

痿弱不能收持由肺金本燥燥則血液衰少不能營養
百骸故也陽明者胃也胃主四肢又五藏六府之海也
主潤宗筋能束骨而利機關也陽明虛則宗筋弛縱故
手足痿而不用也痿兼濕重者則筋緩而痿軟兼熱多
者則筋急而作痛狀與柔風脚氣相類柔風脚氣皆外
所因痿則內藏不足之所致也此婦聰慧勤勞孀居多
憂血液虛耗故致此疾耳丹溪云斷不可作風治此正
合東垣清燥湯症但脉體甚虛多為雜治所誤乃以芪
參歸木茯苓生地麥冬香附黃柏知母甘草煎服二十
餘日稍愈間服清燥湯兩月而安

江應宿北游燕路過山東孫上舍長子文學病瘵逆予診

視曰無能為矣經云大肉已脫九候雖調猶死而况於
不調乎時夏之半六脉弦數既泄且痢脾傳之腎謂之
賊邪侵脾病已極矣不出八月水土俱敗至期而逝敢
辭孫曰內人請脉之形容愈順語音清亮不顯言何證
診畢孫問何病予曰寸關洪數尺微欲絕足三陽脉逆
而上行上實下虛此瘵症也病雖久可治孫曰何因而
得此予曰經云悲哀太過則胞絡絕胞絡絕則陽氣內
動發則心下崩數漉血也太經虛空發為肌痺傳為脉
痿有所失士所求不得則發肺鳴則肺熱葉焦發為
痿躄此之謂也孫曰果因哭子憂傷兩脚軟弱無力不
能起者七越歲矣或以風治而投香燥或認虛寒而與

溫補殊無寸効予曰濕熱成痿正合東垣清燥湯例但藥力差緩難圖速効以獨味杜仲空心酒水各半煎服日進清燥湯下潛行散兼旬出房門無何病瘳子死哀傷復作

癩

許智藏梁人也秦王俊有病上馳召之俊夜夢其亡妃崔氏泣曰本來相迎如聞許智藏將至當必相苦為之奈何明夜俊又夢崔氏曰妾得計矣當入靈府中避之及智藏至為俊診脉曰疾已入心即當發癩不可救也果如言俊數日而薨

丹溪治一婦人有孕六個月發癩手足揚直面紫黑合眼流涎昏瞶每甦醫與鎮靈丹五十貼時作時止至產後方自愈其夫疑丹毒發求治脉舉弦按瀆至骨則沈滯數末意其癩必於五月復作應前舊時至則果作皆已午時乃制防風通聖散減甘草加挑仁紅花或服或吐

四五劑漸輕發疥而愈

一婦久積怒與酒病癩目上視揚手擲足筋牽喉響流涎
 定則昏昧腹脹疼冲心頭至胃大汗痛與癩間作晝夜
 不怠此肝有怒邪因血少而氣獨行脾受刑肺胃間久
 有酒痰為肝氣所侮鬱而為痛酒性喜動出入升降入
 內則痛出外則癩乘其入內之時用竹瀝薑汁參朮膏
 等藥甚多癩痛間作無度乘痛時灸太敦在足大指甲
後一菲葉
 行間在足大指次指
節縫間動脈中腕在腕上
四寸間以陳皮芍藥甘草
 川芎湯調膏與竹瀝服之無數又灸太冲在足大指本
節後三寸或
云一寸半然谷在足內踝前
大骨下陷中巨闕在膈上
六寸及大指半甲
 肉且言鬼怪怒罵巫者朱曰邪乘虛而入理或有之與

前藥佐以荆瀝防痰又用秦承祖救鬼法即鬼哭穴以
兩手大指相
並縛定用大艾炷騎縫灸之務令兩甲角
及甲後肉四處着火之處不着則不効哀告我自去
 餘症調理而安

一少年夏間因羞怒發昏手搐如狂時作時止發則面紫
 黑畢丸能動左右相過醫與金箔鎮心丸抱龍丸妙香
 散定志丸不効脉微弦六至輕重有斷之曰此內素有
 濕熱因激起厥陰相火又時令相火不宜服射香之藥
 况肝病先當救脾土諸藥多燥血壞脾者遂以黃連為
 君人參為臣酒浸芍藥和白陳皮為佐生甘草為使生
 薑一片煎服八貼而安

一女八歲病癩遇陰雨及驚則作羊鳴吐涎知其胎受驚

也但病深不愈乃以燒丹九繼以四物湯入黃連隨時
令加減且令淡味以助藥力半年而愈

汪石山治一人年三十餘久病癩症多發於晨盥時或見
如黃狗走前則發仆地手足痠癢不省人事良久乃甦
或作痰火治而用芩連二陳湯或作風痰治而用全蝎
僵蠶壽星丸或作痰迷心竅而用金箔鎮心丸皆不中
病汪診之脉皆緩弱頰弦曰此木土乘火之病也夫早
辰陽分而狗陽物黃土色胃屬陽土虛為木火所乘矣
經曰諸脉皆屬於目故目擊異物而病作矣理宜實胃
瀉肝而火自息損其肝者緩其中遂以參芪歸木陳皮
神曲茯苓黃芩麥冬荆芥穗煎服十餘貼病減再服月

餘而安

忠懿王之子有癩疾忽遇一僧投抱膽丸空心新汲水花
水送下一丸令臥定使勿動覺如發來再進一丸遂愈
其方水銀二錢黑鉛一錢五分先將鉛化開次下水銀
炒成砂子再下硃砂細末乳香各一錢柳木槌研為丸
如鷄頭子大

羅謙甫治入國信副使許可道到雄州請羅診候羅診之
 脉中乍大乍小乍長乍短此乃氣血不勻邪氣傷正本
 官云在路到邯鄲驛中夜夢一婦人着青衣不見面自
 用手去脇下打了一拳遂一點痛往來不正兼之寒熱
 而不能食乃鬼擊也羅曰可服八毒赤丸本官言嘗讀
 明醫錄中見李子豫八毒赤丸為殺鬼杖子遂與藥三
 粒臨卧服明且下清水二斗立効又進白海青陳慶玉
 子因晝卧于水仙廟中夢得一餅食之心懷憂慮心腹
 痞滿飲食減少約一載餘漸瘦弱腹脹如蠱屢易醫藥
 及師巫禱之皆不効不得安卧羅診之問其病始末因

思之此疾既非外感風寒又非內傷生冷將何據而治
 因思李子豫八毒赤丸頗有相當遂與五七丸服之下
 清黃之涎斗餘漸漸氣調而以別藥理之數月良愈此
 藥有神驗合時必齋戒沐浴淨室澄心脩合方以雄黃
 礬石硃砂附子炮藜蘆牡丹皮巴豆各一兩蜈蚣一條
 八味為末蜜丸如小豆大每服五七丸冷水送下無時
 潘温叟治貴江令王齊夜夢與婦人謳歌飲酒晝不能食
 如是三歲温叟治之疾益平則婦人色益沮飲酒易急
 而謳歌不樂久之遂無所見温叟曰疾雖衰然未愈也
 如夢男子青巾白衣者則愈矣後果夢此能食
 韶州南七十里曰古由有富家陳氏抱異疾常日無他苦

每遇微風吹拂則肢間一點奇痒爬搔不定手已而舉
體皆然逮於發厥凡三日醒及坐有聲如效其身乍前
乍後若挫兀之狀率以百數甫少定又經日始困卧不
知入累夕愈至不敢出户更十醫不改醫劉大用視之
曰吾得其證矣先用藥一服取數珠一串來病家莫省
其用乃當婦挫兀時記其數數之即已覺微減然後云
名云是鬼症因入神廟為邪所憑致精氣蕩越法當用
死人枕煎湯飲之既飲大瀉數行宿痾脫然太用云枕
用畢當送還原處如遲留使人顛狂蓋但借其氣耳
人被鬼擊身有青痕作痛以金銀花水煎服愈

邪祟

丹溪治一少年人暑月因大勞而渴恣飲梅漿又連大驚
妄言妄見病似邪鬼脉虛弦而帶沈數數為有熱虛弦
是驚又梅漿停鬱中脘宜補虛清熱導去痰滯乃可遂
與參朮陳皮茯苓連並入竹瀝薑汁旬日未効乃虛
未回痰未導也以前藥入荆瀝又旬日而安

一人醉飽後病妄語妄見家人知其痰所為也灌鹽湯一
大碗吐痰一二升大汗困睡而愈

一婦暑月赴筵坐次失序自愧而成病言語失倫脉弦數
法當導痰清熱補脾其家不信用巫治之旬餘而死此
婦痰熱殆甚乃以法丸驚其神使血不寧法水逆其膈

使汗不得泄不死何俟

丹溪治浦江鄭姓者年二十餘秋間大發熱口渴妄言妄見病似邪鬼七八日後請朱治之脈之兩手洪數而實視其形肥面赤帶白却喜露筋脉本不實涼藥所致此因勞倦成病與溫補藥自安曰柴胡七八貼矣以黃芪附子湯冷與之飲三貼後困倦鼾睡微汗而解脉亦稍軟繼以黃芪白朮湯至十日脉漸收斂而小又與半月而安

蔣仲賓江陰人來吳中人未知奇有老其行泣道上問之曰吾兒為鬼魅所憑醫莫能治今垂篤矣仲賓往視之其子方裸體瞠目大詬且歐人不可近仲賓即令其家

取蚯蚓數十條搗爛投水中去泥以水造示病者病者見水遽起持飲未盡帖然安卧更與藥瀉之而愈由是名著吳下

徐之才治武城酒色過度恍惚不恒每病發自云初見空中有五物稍近變成一美女去地數丈亭亭而立之才云此色欲多太虛所致即處湯方服一劑便覺稍遠又服還變成五色物數劑而愈

虞恒德治一婦年近三十有姿色得一症如醉如痴頰赤面青略有潮熱飲食不美其脉乍疎乍數而虛每夜見白衣少年與睡一醫與八物湯服數十貼不効虞往診之見其家有白狗卧枕戶闔虞曰必此所為命殺狗取

其心血及膽汁丸安神定志之藥以八物湯吞下服藥
 十數貼丸藥一料以安其丸藥用遠志石菖蒲川歸黃
 連茯苓神砂側柏葉草龍膽等藥也

國醫陳易簡治韓宗武寓洋洲得異疾與神物遇頗不省
 人事神志恍惚或食或不食陳教服蘇合香丸後數月
 所遇者忽不至

各書其不
 且水邊法科治朱盡神藥其相更與神藥之口念世女
 運使地境下地無微其不中在也心不地不試其神

顛狂

開元中有名醫紀朋者觀人顏色談笑知病淺深不待診
 脈帝聞之召於掖廷中看一官人每日身笑歌號若狂
 疾而足不能履地朋視之曰此必因食飽而太竭力頓
 仆於地而然乃飲以雲母湯令熟寢覺而失所苦問之
 乃言因大華公主載誕宮中大陳歌吹其乃主謳懼其
 聲不能清且長輿兆蹄羹飽而當筵歌大曲曲罷覺
 中甚熱戲於砌臺上高而墜下久而方甦病狂足不能
 步也

羅謙甫治醜所兀闌病五七日發狂亂棄衣而走呼呼不
 避親疎手執灌乳與人飲之時人皆言風魔了巫禱不

遇而增劇羅診之脈得六至數日不更衣渴飲瀉乳羅
曰北地高寒滕理緻密少有病傷寒者然北地此夏初
時乍寒乍熱因此觸冒寒邪失于解利因轉屬陽明症
胃實譫語又食羊肉以助其熱兩熱相合是謂重陽狂
陽勝宜下急以大承氣湯一兩半加黃連二錢水煎服
之是夜下利數行燥屎二十餘塊得汗而解翌日無往
視之身涼脈靜眾皆喜曰羅謙甫醫可風魔的也由此
見傷寒非雜病之比六經不同傳變亦異診之而疑不
知病源互相侮嫉吁嗜利貪名而耻於學問誤人之生
豈鮮淺哉

許叔微本事方云軍中有一人犯法褫衣將受刃得釋神

失如癡與驚氣丸一粒服訖而寢及覺病已失矣江東
張提轄妻因避寇失心已數年授以方隨愈又黃山沃
巡檢妻狂厥踰年更十餘醫不愈亦授其方去附子加
鐵粉不終劑而愈鐵粉非但化痰鎮守至如推抑肝邪
特異若多患怒肝邪太盛鐵粉能制之素問言陽厥狂
怒治以鐵落金制木之意也

鄺子元由翰林補外十餘年矣不得賜還嘗倅僚無聊遂
成心疾每疾作輒昏曠如夢或發譫語有時不依無異
平時或曰真空寺有老僧不用符藥能治心疾往叩之
老僧曰相公貴恙起於煩惱生於妄想夫妻想之來其
幾有三或追憶數十年前榮厚恩讐悲歡離合及種種

間情此是過去妄想也或事到跟前可以順應即乃畏
晉畏尾三番四復猶豫不決此是見在妄想也或期望
日後富貴榮華皆如所願或期功成名遂告老歸田或
期望子孫登榮以繼書香與夫不可必成不可必得之
事此是未來妄想也三者妄想忽然而生忽然而滅禪
家謂之幻心能昭見其妄而斬斷念頭禪家謂之覺心
故曰不患念起惟患覺遲此心若同太虛煩惱何處安
脚又曰相公貴恙亦原于水火不交何以故凡溺愛治
容而作色荒禪家謂之外感之欲夜深枕上思得治容
或成宵寐之變禪家謂之內生之欲二者之欲綢繆染
着皆消耗元精若能離之則腎水滋生可以上交于心

至若思索文字忘其寢食禪家謂之理障經綸職業不
吾劬勤禪家謂之事障二者之障雖非人欲亦損性靈
若能遣之則心火不致上炎可以下文於腎故曰塵不
相緣根無所偶返流全一六慾不行又曰苦海無邊回
頭是岸子元如其言乃獨處一室掃空萬緣靜坐月餘
心疾如失

滑伯仁治一僧病發狂謔語視人皆為鬼診其脈羸々如
慧苾子且喘且搏曰此得之陽明胃實素問云陽明主
肉其經血氣並盛甚則棄衣升高踰垣妄言遂以三化
湯三四下復進以火劑乃愈

滄洲治一人因恐懼遂驚氣入心疾作如心風屢作遂逐

奔走不避水火與人語則自賢自貴或泣或笑切其脉上部皆弦滑左部勁於右蓋痰腔中灌心胞因驚而風經五藏耳即投以湧劑湧痰涎一類器徐以驚氣丸服之盡一劑病瘳

龐安時治一富家子竊出遊倡鄰有聞者排動屋壁富人子大驚懼疾走惶惑突入市市方陳刑尸富人子走仆尸上因大恐到家發狂性理遂錯醫巫百方不能已龐為劑藥求得絞囚繩燒為灰以調藥一劑而愈

一人患心疾見物如獅子伊川先生教以手真前捕之見其無物又又自愈

齊州有人病狂毒歌曰五靈華蓋曉玲瓏天府由成汝府

中惘悵此情言不盡一丸萊菔火吾宮又歌曰路陽春人間二月雨和塵陽春踏盡秋風起腸斷人間白髮人後遇一道士作法治之乃云夢中見一紅裳少女引入宮殿皆紅紫飾小姑令歌道士曰此正犯天麥毒女則心神小姑脾神也按醫經蘿蔔治麩毒故曰火吾宮即以藥并蘿蔔食之愈

王中陽治一婦疑其夫有外好因病失心狂惑晝夜言語相續不絕舉家圍遶捉拿不定王投滾痰丸八十九丸即便伴睡是夜不語次夜再進一服前後兩次遂下惡物患人覺知羞赧遂飲食起坐如常五七日能針指終是意不快王慮其復作陰令人於其前對傍人曰可憐

某婦人中暑暴死患者忻然問曰汝何以知之說者曰
我適見其夫備後事也患者有喜色由是遂痊王再詢
其家人曰患者月水通否其姑曰近來月餘不進飲食
瘦損羸劣想不服也如血稍鮮時即來取藥既而報曰
血間鮮紅矣即令服婦合門中燉血湯止之再服增損
四物湯半月全安更不舉發

汪石山治一人年踰三十形肥色白酒中爲人所折辱遂
病心恙或持刀或踰垣披頭大叫診其脉濡緩而虛按
之不足此陽明虛也宜變例以實之庶幾可免先有醫
者已用二陳湯加紫蘇枳殼等藥進一二三貼矣聞汪言
即厲聲曰吾治將痊誰敢奪吾功乎汪告歸醫投牛黃

清心丸如彈丸者三枚初服頗快再服燥甚三服狂病
倍發撫膺號曰吾熱奈何急呼水救命家人守醫戒禁
不與趨樓見神前供水一盆一呷而盡猶未快也復趨
厨下得水一桶滿意飲之狂勢減半其不死幸耳復請
汪治之以參芪甘草甘溫之藥爲君麥冬片黃芩甘寒
之劑爲臣青皮陳肝爲佐竹瀝清痰爲使芍藥茯苓隨
其兼症而加減之酸棗仁山梔子因其時令而出入服
之月餘病遂輕然或目系漸急即昏昧不知人良久復
甦汪曰無妨此氣血未復神志昏亂而然令其確守前
方夜服安神丸朝服虎潛丸年餘熱寢一月而安
一婦瘦長色蒼年三十餘忽病狂言披髮裸形不知羞惡

衆皆爲心風或欲飲以糞清或吐以痰藥汪診其脉浮緩而濡曰此必忍飢或勞倦傷胃而然耳經云二陽之病發心脾二陽者胃與大腸也忍飢過勞胃傷而火動矣延及心脾則心所藏之神脾所藏之意皆爲之擾亂失其所依歸矣安得不狂內傷發狂陽明虛也法當補之遂用獨參湯加竹瀝飲之而愈

吳英山治一女子瘦弱性急因思過度耗傷心血遂得失志顛疾或哭或笑或裸體而走或閉戶而多言父母憂疑諸療罔效吳診其脉浮而濇思慮過傷神不守舍也

用紫河車二具漂洗如法煮爛如猪肚切片任意啖之二次即愈後服定志丸一料日煎補心湯一服調理百

日後乃畢婚次年生子身肥壯

方印山治休寧泰塘一童子十二歲患癲症口渴發熱不能睡常赤身行走命人重手拍擊其兩股稍拍輕則不快時當六月方至先用白虎湯不效繼用抱龍丸至寶丹亦不効渴不止乃用泉水調牛膽天花粉加蜜少許調一大碗作二次服之使人以手揉其胃自上而下一時許乃安卧而愈

張大池治蘇州一人年近三旬患狂疾奔走罵詈不避親疎投丸藥七粒吐黑色痰二三碗隨定調理而愈不復發方用生白朮一錢芭豆霜一錢硃砂一錢麩糊爲丸每服七八丸新汲井花水送下忌大暈油鹽一月看人

虛實太小以丸數加減用

[Faint bleed-through text from the reverse side of the page]

怔忡

丹溪治一人形質俱實因大恐患心不自安如入將捕之
夜卧亦不安耳後常見火光炎上食雖盡而不知味口
乾而不欲食以人參白朮歸身為君陳皮為佐少加鹽
炒黃蘗玄參煎服半月而安
一人虛損心中常有如官事不了之狀以四君子加參朮
黃芪茯苓多服愈

滑伯仁治一人病怔忡善忘口澀舌燥多汗四肢疲軟發
熱小便白而濁眾醫以內傷不足擬進茸附等藥未決
脉之虛大而數曰是由思慮過度厭陰之火為害耳夫
君火以名相火以位相火代君火行事者也相火一擾

能為百病百端之起皆由心生越人云憂愁思慮則傷心其人平生志大心高所謀不遂抑鬱積久致內傷也服補中益氣湯朱砂安神丸空心進小坎離丸月餘而安

一人病胃膈脹痛心怔忡嘔逆煩懣不食情思惘惘不暫安目眈眈無所睹伯仁視之六脉皆澁結不調無復參伍甚怪之既徐察之其人機深憂思太過加之脾胃內傷積為痰涎鬱于上膈然也素問曰思則氣結又云陰氣者靜則神藏燥則消亡飲食自倍腸胃乃傷其是之謂乎為製祛痰順氣服之平

一人因事恐怖心常惕惕如畏人捕之狀診其脉豁豁然

虛大而浮體熱多汗曰凡病得之從高墜下驚仆擊搏惡血留滯皆從中風論終歸厥陰此海藏之說也蓋厥陰多血其化風木故也有形當從血論無形當從風論今疾是走無形也從風家治之兼化痰散結佐以鐵粉朱砂丸愈

吳茱山治一婦氣盛血少火旺痰多因事忤意得怔忡之患心惕惕然而驚時發時止清辰至晚如此無度每服鎮心金石之藥愈不安吳診其脉左弦而大知血少火旺右浮滑不勻氣盛痰多也遂以溫膽湯入海粉蘇子數服而安次以安神丸常服全愈

名醫類案卷之八終

Faint bleed-through text from the reverse side of the page, including characters like 名醫類案卷之八終 and 六十一.

